

Broj: 07-1-25/4-2015-1/19 EK
Sarajevo, 11.02.2020. godine

OTPREMLJENO

datum: _____

potpis: _____

27-02-2020

MINISTARSTVO POLJOPRIVREDE, ŠUMARSTVA I VODOPRIVREDE HNK/HNŽ

PREDMET: MHE Zlate na Doljanki, preispitivanje Prethodne vodne saglasnosti i vodne saglasnosti - *traži se*

VEZA: Vaš akt broj: 11-05-27-2841-2/19 od 14.01.2020. godine

Odredbom člana 83. Zakona o organizaciji organa uprave u Federaciji BiH („Službene novine Federacije BiH“ broj: 35/05) utvrđeno je da se odnosi federalnih organa uprave i kantonalnih, općinskih i gradskih organa uprave zasnivaju na obavezama koje svaki od tih organa ima u odnosu na izvršavanje federalnih zakona i drugih federalnih propisa te da su Federalni organi uprave obavezni osigurati izvršavanje propisa na području cijele Federacije i u tom pogledu imaju ovlaštenja da prema kantonalnim, općinskim i gradskim organima uprave preduzimaju sve one mjere i aktivnosti kojima se osigurava obavljanje svih poslova državne uprave koji su federalnim propisom povjereni na vršenje kantonu, općini ili gradu i isti su obavezni postupati po tim mjerama i aktivnostima federalnih organa uprave.

Shodno nadležnostima Federalnog ministarstva poljoprivrede, vodoprivrede i šumarstva, povodom Vašeg akta navedenog u vezi, kojim ste dostavili očitovanje i čiji prilog je Rješenje broj: UP/I-11-05-27-18-2/17 od 06.03.2017. godine, Rješenje broj: UP/I-11-05-27-18-3/17 od 04.07.2017. godine (PVS) i Rješenje broj: UP/I-11-05-27-71-1/18 od 11.06.2018. godine (VS), dužni smo ukazati na povrede propisa i odluka do kojih je došlo izdavanjem prethodne vodne saglasnosti i vodne saglasnosti za predmetnu MHE i potrebno je postupanje radi sprečavanja posljedica na ovom vodotoku.

U Aneksu broj 1. Ugovora o koncesiji je izmjenjena instalirana snaga sa 3,2 MW na 4,52 MW.

U vašem aktu se navodi da je sa povećanom instalisanom snagom dijelom izmjenjen planirani položaj vodozahvata i trase cjevovoda. S obzirom na ovu izmjenu, kako je moguće da u obrazloženju nema nigdje navedeno da je došlo do izmjene katastarskih čestica s obzirom na navedenu izmjenu, odnosno pomjeranje položaja vodozahvata i cjevovoda ili nije došlo do izmjene katastarskih čestica. Takođe, u kasnije izdatom vodnom aktu u tački 1. je navedeno da se vodna saglasnost daje na projektnu dokumentaciju objekta MHE Zlate na Glavni projekat, te Studiju ekonomske opravdanosti koja je urađena 2016. godine, kada je u Ugovoru o koncesiji bila utvrđena instalirana snaga od 3,2 MW iz 2015. godine, dok je Rješenje o PVS izdato u martu 2017. godine sa promijenjenom instaliranom snagom, a nakon toga izdata vodna saglasnost u junu 2018. godine u kojoj se takođe navodi Studija ekonomske opravdanosti iz 2016. godine. Postavlja se pitanje, da li je na izmjenjenu

instalaciju, odnosno za instalisanu snagu 4,52 MW urađena nova/inovirana Studija ekonomske opravdanosti, iz navedenih upravnih akata to nije vidljivo, a u istim su utvrđeni sljedeći nedostaci:

Nije jasno odakle određivanje vodoprivrednog minimuma, pojam koji ne poznaju propisi na snazi i to: Zakon o vodama („Službene novine Federacije BiH“ broj 70/06, u daljem tekstu: Zakon o vodama), niti podzakonski akti.

Tačka 2.2.4. nije propisana u skladu sa podzakonskim aktom - odnosno potrebno je definisati da „Sastavni dio projektne dokumentacije iz tačke 2.2 . ovoga rješenja treba biti operativni plan za incidentna zagađenja, a shodno odredbama Pravilnika o postupcima i mjerama u slučajevima akcidenata na vodama i obalnom vodnom zemljištu („Službene novine F BiH“, br. 71/09). U cilju sprječavanja incidentnih zagađenja (isticanja ulja i sl.), potrebno je predvidjeti odgovarajuća rješenja za objekte elektrane kako do istih ne bi došlo.

Tačka 2.2.3. nije propisano u skladu sa podzakonskim aktom - da se u svrhu praćenja utvrđenog ekološki prihvatljivog protoka na dionici predmetne hidroelektrane, sastavni dio projektne dokumentacije iz tačke 2.2.3. ovoga rješenja treba biti program monitoringa izrađen u skladu s Pravilnikom o načinu određivanja ekološki prihvatljivog protoka („Službene novine F BiH“, br. 4/13, 56/16 i 62/19, u daljem tekstu: Pravilnik o EPP-u) čija primjena je obavezna od njegovog stupanja na snagu, odnosno od stupanja na snagu njegovih izmjena.

Takođe nije propisano da se da odgovarajuće projektno rješenje kojim se omogućava uzvodna i nizvodna migracija riba (riblja staza).

Nije propisano - da se za lokaciju pregradnog profila i lokaciju strojare daju koordinate (ili približne) u važećem državnom koordinatnom sistemu.

Iako je u tački 2.2. propisano da projektna dokumentacija na nivou glavnog projekta, treba biti izrađena i revidovana u skladu sa važećim propisima iz oblasti prostornog planiranja i građenja, u vodnoj saglasnosti u spisku dokumentacije predate za izdavanje iste, nema navedena revizija projekta iz čega se zaključuje da nije ni urađena, a samim tim nije ispoštovan uslov iz PVS-a i odredbe člana 114. stav 1. Zakona o vodama.

U skladu sa članom 20. Pravilnika o EPP-u propisano je da Izvještaj o procjeni EPP u profilu vodozahvata dio je dokumentacije propisane podzakonskim propisom iz člana 107. stav 4. Zakona o vodama potrebne za izdavanje prethodne vodne saglasnosti. Evaluaciju Izvještaja o procjeni EPP vrši nadležna Agencija za vodno područje, u odnosu na opšte karakteristike vodnog područja, pritiske, zaštićena područja, te ciljeve upravljanja vodama iz plana upravljanja vodama vodnog područja. EPP iz pozitivno evaluiranog Izvještaja o procjeni EPP ugrađuje se u pripadajući plan upravljanja vodama vodnog područja.

Vežano za prednje navedeno, u usmenom kontaktu sa „Agencijom za vodno područje Jadranskog mora“ Mostar dobili smo odgovor da ista nije evaluirala Izvještaj o procjeni ekološki prihvatljivog protoka u odnosu na opšte karakteristike vodnog područja, pritiske, zaštićena područja, te ciljeve upravljanja vodama iz plana upravljanja vodama vodnog područja, jer iste nisu ni tražene, a što je propisano članom 20. Pravilnika o EPP-u i odredbama člana 62. Zakona o vodama kojim je utvrđen ekološki prihvatljivi protok.

Takođe, kod izmjene PVS-a, nije postupano u skladu sa odredbom člana 130. Zakona o vodama, kojim je propisana Izmjena vodnih akata.

Shodno svemu navedenom, upućujemo Vas da preispitate izdate akte (PVS i VS) i u svojstvu prvostepenog organa postupite na način da se izvrši dopuna vodne saglasnosti, kako bi se osiguralo postupanje sa Zakonom o vodama prilikom izdavanja vodne dozvole.

S poštovanjem,



mr.sci. Šemsudin Dedić

Dostaviti:

- Naslovu
 - Kantonalna uprava za inspeksijske poslove HNK/HNŽ Mostar
 - „AVP Jadransko more“ Mostar
 - Općina Jablanica
 - Udruženje građana „ Za Doljanku“ Jablanica
 - Sektor za vode
- ⊖ a/a

Obrađivač akta: Elma Kuldija

104

104